



A su Dot. Alberto Urpi Sindigu Comunu de Seddori
A su Dot. Davide Contis Presidenti de su Consillu
A s'Assessori cumpetenti
A su Dot. Giorgio Sogos Segretàriu Comunali Comunu de Seddori
E p.c. Consilleris Comunalis de Seddori

MOTZIONI

CHISTIONI: Avaloramentu de sa Lingua Sarda: unu consillu comunali a s'annu totu in Sardu

Postu innantis ca

Su 1^u de gennàrgiu de su 1988 est intrada sa Lei Regionali 15/10/1997, n.26 (pròpiu in custas diis est a s'esàmini de su consillu regionali sa lei noba chi iat a depi arremprasai sa L.R. n.26) Promovidura e avaloramentu de sa cultura e de sa lingua de sa Sardinnia

Sigumenti

CUSTA LEI narat in su **Titulu I (PRINTZÌPIUS E FINALIDADIS)** e pretzisamenti a s'art.1 Finalidadis 1. Sa Regioni Autònoma de Sardinnia pigat s'identidadi culturali de su pòpulu sardu comenti beni primàriu de avalorai e promovi e scerat in s'evoluzioni e in su cresci cosa sua su presupostu de fundamentu de dònna interbentu chi punnat a ativai su progressu personali e sotziali, is protzessus de svilupu econòmicu e de integratzioni interna, su fràigu de un'Europa fundada asuba de sa diversidadi de is culturas regionalis.

2. Po lompì a totu custu assegurat, amparat e avalorat sa libera e multiformi bisura de is identidadis, de is abisòngius, **de is linguàgius** e de is produtzionis culturalis in Sardinnia, cunforma a is printzìpius ispiradoris de su Statutu spetziali [omissis]

In prus

Sèmpiri sa lei n.26 (Titulu V imperu de sa Lingua Sarda in s'Aministratzioni Pùblica) e sa Lei 482/99 (Normas po s' amparu de is minorias linguìsticas stòricas chi arreconoscint 12 lènguas de minoria cun su sardu), a s'art. 7 narat:

1. *In is comunus [...] is cumponentis de su consillu comunali e de is àterus òrganus a aparìciu collegiali de s'aministratzioni podint imperai, in is fainas de is òrganus etotu, sa lingua amìtia a amparu.*
3. *Si unu o prus de unu de is cumponentis de is òrganus collegialis arremonaus in sa corriedda 1 e 2, decrarant de no connosci sa lingua amìtia a amparu, depit essi assergurada luegus sa tradutzioni in lingua italiana.*

E a s'Art. 9:

A prus de balli sèmpiri su chi est scritu in s'art. 7, in is comunus [...] si podit, in is ofitzius de is aministratzionis pùblicas, fueddai e scriri sa lingua amìtia a amparu.

Custus cuntzetus ddus agataus in sa L.R. 26/97 puru.

Tentu contu

Ca una circa sotziolinguistica (de su 2008) at postu in ispicu ca a lingua sarda est connota e fueddada de unus 70 po centu de sa populatzioni, ma est imperada pagu in is logus pùblicos e formalis poita ca est cunsiderada sinnu de inferioridadi sotziali e culturali", po mori de un'atzioni de persighidura e oprimidura de parti de is istituzionis chi nd'at ocasionau una delegitimatzioni chi no si podit acetai

Pigau atu

ca "Po unas cantu de stimas, scéti unu 13 po centu de is pipius est de lingua de bratzolu e custu fatu fait pigai pensamentu mannu po unu possibili sperdimentu de sa lingua de s'isula cun s'italianu regionali in pasa sua"

Propòngiu

Po apretai istituzionis e tzitadinus a s'imperu de sa lingua nosta po ddi torrai sa giusta legitimatzioni chi ddi spetat

1 – a su Sìndigu e a totu is Consilleris de deliberai positivamenti avatu de sa possibilidadi chi custu consillu si potzat fai (assumancu una borta a s'annu) totu in lingua sarda – mancai in ocasioni de un'arrecurrentzia nodida – de detzidi mancai totus impari (SA DIE DE SA SARDIGNA / SA BATALLA?);


2) – De s'impinniai a cunformai su Statutu e su Regulamentu Consilliaru a sa L.R. 15/10/97, n.26 e a sa L 482/99;

3 – Chi in is atòbius de su Consillu Comunali siat imperada liberamenti sa lingua sarda cunforma a is leis arremonadas.

Cun is mellus saludus

Seddori, 08 de Làmpadas 2018

Su Consilleri Comunali



Luigi Pilloni